



UNIVERSITÄTS-  
BIBLIOTHEK  
PADERBORN

**Praxis Beneficiorvm D. Petri Rebvffi Montispessvlani  
Ivrvim Doct. Ac Comitiss, Ivrisqve Pontificii Ordinarii  
Professoris Paris. & ibidem in supremo Senatu Causarum  
Patroni**

**Rebuffi, Pierre**

**Coloniae, 1610**

II. Declaratio Clementis VII.

---

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

1240  
 35 forent exhibitæ, vel offensa. Et insuper quoque irritum, & inane si secus super his à quoquam quavis autoritate scienter, vel ignoranter contigerit attentari. Nulli ergo omnino hominū liceat hanc paginā nostræ approbationis, ratificationis, laudationis, acceptationis, commutationis, reseruationis, constitutionis, & voluntatis infringere, vel ei ausu temerario contraire. Si quis autem hoc attentare præsumpserit, indignatio-

nem omnipotentis Dei, & beatorum Petri & Pauli Apostolorum eius, se noverit incursum. Dat. Romæ apud S. Petrum anno Incarnationis Dominicæ Millesimo, quadringentesimo, quadagesimo octavo, Decimoquarto Calen. Aprilis. Pontific. nostri Anno secundo.

*Sumptum ex Registro Bullarum Nicolai Papæ V. lib. 2. Secretorum fol. 203. & collat. concordat.*

*DE PRAELATIS, ET PRINCIPIBUS VSRPANTIBUS dispositiones beneficiorum Sedi Apostolica reseruatorum, aut impedi- entibus Sedi Apostol. prouisiones, contra formam Concordatorum inter eandem Sedem Apost. & nationem Germania.*

Constitutio Clementis Papæ VII.

CLEMENS Episcopus seruus seruorum Dei ad futuram rei memoriam.

**A**dmonet nos incumbentis nobis pastoralis officii cura, vt non solum nobis, sed etiam cunctorum Christi fidelium, & præsertim ecclesiasticarum personarum profectibus diligenter intenti, illorum occurramus dispendiis, & quæ in cuiusque ipsorum præiudicium siue noxam quauis etiam autoritate prodidisse comperimus, salubriter reformemus. Sanè dudum ad nostram peruenit notitiam, qualiter nonnulli Archiepiscopi, & Episcopi, ac Ecclesiarum Prælati, nonnulli etiam Principes, & Domini tem-

porales inelita Nationis Germanicæ, post miserabilem Vrbsi direptionem, collationes, & dispositiones beneficiorum ecclesiasticorum nobis, & Sedi Apost. etiam virtute CONCORDATORVM inter Sedem, & Nationem præfatas reseruatorum temerè vsurpare præsumpserunt, ac collationes, & dispositiones nostras, & dictæ Sedis de illis factas admittere contempserunt, nedum in nostrum, & ipsius Sedis vilipendium, sed etiam iurium nostrorum, & eiusdem Sedis, ac illorum quibus de ipsis beneficiis prouidimus aut in quorum fauorem alias disposuimus,



mus, seu provideri, & disponi mandauimus, graue præiudicium.

3 Et quamuis cōtra præsumptores, & contemptores huiusmodi in Bulla quæ quotannis in die Cœnæ Domini de more lecta fuit, declarauimus, & protestati fuimus, quod in præmissis, & aliis quibuscunque iuribus dictæ Sedi, & Sanctæ Rom. Ecclesiæ vndeunque, & quomodocunque quæsitis, seu quarendis per quoscunque actus contrarios, aut quomodolibet præiudicantes, tacitos, vel expressos à nobis, vel ab eadem Sede quomodolibet factos, vel faciendos, aut quemcunque temporis fluxum, vel patientiā, vel tolerantiam nostram nobis aut eidem Sedi nullatenus præiudicari debere, aut quomodolibet posse; tamen sicut, nō sine animi nostri moerore, intelleximus, nonnulli ex Archiepiscopis, Episcopis, Prælati, Principibus, & Dominis prædictis, adhuc à præmissis desistere nō curarunt, nec de præsentibus curarunt, quod deterius est, ne quæsiōnes Apostolicæ admittantur, per sua mandata etiā poenalia phibere nō verentur, in animarū suarū graue periculū, & aliorum Prælatorū ac Principum Catholicorum dictæ Nationis perniciosum exemplum, & scandalum plurimorum; Nos igitur qui à dictis CONCORDATIS, quæ olim Rom. Ecclesiæ, & dictæ Nationis hominibus pro ipsius Eccle. vniōe, ac pace & tranquillitate inter Ecclesiā, & Nationem prædictas perpetuò solidandis, & cōseruandis laudata, cōclusa, & accepta fuerunt, nullatenus recedere intēdimus, ne dicti præsumptores, & contemptores, aut per eos in dictis beneficiis intrusi ex huiusmodi temeraria præsumptione gloriari valeāt, neque ipsi intrusi ex adulterinis eorū titulis aliquem fructum reportēt, nec illis quibus de beneficiis prædictis per nos aut dictā Sedē seu eius auctoritate prouisum extitit, & in futurū prouidebitur, per alicuius tēporis fluxum, seu aliquam patientiā, vel tolerantiam præiudicium fiat, aut factum censeatur, ex pastoralis officii debito prouidere volētes, ac CONCORDATIS prædictis firmiter inhærentes, Motu proprio, & ex nostra matura deliberatione, ac certa scientia, auctoritate Apostolica, de Apostolicæ potestatis plenitudine tenore præsentium declaramus præsentis collationes, & alias dispositiones de quibuscunque beneficiis ecclesiasticis cum cura, & sine cura, nobis & dictæ Sedi, vt præfertur reseruatis, per Archiepiscopos, Episcopos, Prælatos, ac seculares Principes, & Dominos quoscunque dictæ Nationis seu ad eorum præsentationem, vel nominationem, etiam per Ordinarios ipsorum beneficiorum collatores à tempore dictæ direptionis citra contra tenorem, & formam dictorum

SSSS



**CONCORDATORVM** quomodolibet factas, & in posterum faciendas personis quibus aut in quarum favorabiliter facta sunt, aut in posterum facta sunt, nisi sint per nos, aut nostra, vel dictae Sedis auctoritate approbata, nullum titulum, vel colore ipsa beneficia possidendi tribuisse, aut in futurum tribuere, sed, & illos pro malefidei possessoribus, & mere intrusis ab omnibus haberi, & ceteri, ac fructus per eos ex beneficiis huiusmodi perceptos, & percipiendos, nullo unquam tempore suos facere, sed ad illorum restitutionem in utroque foro efficaciter obligatos esse, & ad illorum restitutionem, ad eorum quorum interest, seu etiam fisci nostri instantiam, omnibus viis iuris, & remediis compelli posse, & debere, & eos nullo unquam tempore beneficio Regularum de annali, & triennali pacifico possessore gaudere potuisse aut posse. Illis vero quibus eadem beneficia per nos, aut auctoritate nostra, vel dictae Sedis, tenore & forma Concordatorum huiusmodi servatis, collata seu commendata sunt, aut in futurum conferentur, vel commendabuntur, nec non Ecclesiis, & locis ecclesiasticis ac collegiis, quibus perpetuo, vel ad tempus eadem auctoritate unita sunt, aut in posterum unietur, ac omnibus illis, qui in executione litterarum Apostolicarum eis concessarum per constitutiones, seu mandata Archiepiscoporum, Episcoporum, Praelatorum, Principum, vel Dominorum praedictorum, hactenus quomodolibet impediti fuerunt, aut in posterum impediuntur, dictas Regulas, & quaeque temporis fluxum seu patientiam, vel tolerantiam minimè obviare debere, quominus contra dictos intrusos, & intrudendos quocumque tempore iudicialiter experiri valeant. Decernentes sic per quoscunque Iudices, & Commissarios quavis auctoritate fungentes, S. Rom. Ecclesiae Cardinales, & Palatii Apostolici causarum Auditores sententiari, interpretari, & iudicari debere, sublata eis, & eorum cuilibet quavis aliter sententiandi, interpretandi, & iudicandi facultate, & potestate, ac irritum, & inane, si secus superiis ab eis, vel quibusvis aliis quavis auctoritate, scienter, vel ignoranter attentatum forsan esset hactenus, aut in posterum contigerit attentari. *Non obstantibus regulis, & aliis praemissis, aliisque constitutionibus, & ordinationibus Apostolicis, ceterisque contrariis quibuscumque.* Ut autem praemissa ad omnium notitiam deducantur, volumus, & mandamus praesentes in Cancellaria Apostolica more solito publicari, & in quinterno eiusdem Cancellariae describi. Praeterea quia difficile foret praesentes litteras ad singula loca, in quibus de eis forsitan fides facienda foret, deferre, eadem Apostolica auctoritate decernimus, quod ipsarum transsumptis,



sumptis, manu alicuius Notarii publici inderogati subscriptis, & sigillo alicuius personæ ecclesiasticæ in dignitate constitutæ munitis, ea prorsus in iudicio, & extra, & aliàs vbilibet fides indubitata adhibeatur, quæ præsentibus adhiberetur, si essent exhibitæ, vel offensæ. Nulli ergo omnino hominum liceat hanc paginam nostræ declarationis, decreti, & voluntatis, infringere, vel ei ausu temerario contraire. Si quis autem hoc attentare præsumpserit, indignationem omni-

potentis Dei, ac Beatorum Petri & Pauli Apostolorum eius se noverit incursum. Datum Romæ apud S. Petrum, Anno Incarnationis Dominicæ, millesimo, quingentesimo, trigesimo quarto, Cal. Iulii, Pontificatus nostri Anno undecimo.

Blosius.

*Leeta & publicata fuit in Cancellaria Apostolica, die 13. Iulii.*

*M. D. XXXVIII.*

*Et ego Laertius vidi regist. in quatuor. eiusdem Cancell. fol. 330.*

DECLARATIO  
GREGORII XIII. SUPER CONCORDATIS GERMANIÆ.

*QVOD ORDINARII COLLATORES PRÆTEXTU litterarum Nicolai Papæ V. pro CONCORDIA Germaniæ, conferre non possunt beneficia ecclesiastica post tres menses ex quo vacarunt, si de illis intra hoc tempus à Sede Apostolica provisum est.*

*GREGORIVS Episcopus servus servorum Dei ad futuram rei memoriam.*



**V**Æ in Ecclesiâ Dei incommoda inferunt, nostra nos expedit animaduersione mouere.

Cum itaq; per litteras scilicet Nicolai Papæ V. nationi Germaniæ pro illius vnitatis & concordia cum Sede Apostolica, inter alia concedatur, vt quoties aliquo vacante beneficio ecclesiastico, in mensibus Ianuarii, Martii, Maii, Iulii, Septembris,

& Nouembris, in quibus vacantium Germaniæ beneficiorum ecclesiasticorum dispositio dictæ Sedi specialiter reservata est, non apparuerit intra tres menses à die notæ vacationis in loco beneficii, quod alicui de illo Apostolica autoritate provisum fuerit, ex tunc & non antea Ordinarius, vel alius ad quem illius dispositio pertinet, de illo disponere possit, & sæpenuerò contin-

SSsss 2